

庶物類纂

石屬
自五十三至五十四

容

太政官文庫			
和書門	特別	一三六二號	第五十番函架
		四六五册	

內閣文庫	
番號	和 32362
冊數	465 (156)
函號	特 54 1

百内

共計六




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







庶物類纂石屬卷之五十三目次

石器

石屏

石帆


石柏

石梅


上水石


庶物類纂 卷五十三

石屬目次



石器





石器

興安縣水邊有平石其上有石櫛石履各一具倍云

越王渡溪脫履墮櫛於此果任助述具記

黃山煉丹峰高八百七十里似浮丘翁于峯頂煉丹

經八甲子乃成故上有丹竈下有丹源源中有鍊丹

水流藥溪搗藥石白石杵儼然尚存海內奇觀


三友堂閣右有小澗從岩穴間曲折而來流遠山中

四時不涸相傳昔有胡麻飯從中流出名曰胡麻澗

澗下有確可供搗搗即瀑布泉之上流也武夷山志

大藏峰峭壁千仞下臨深淵壁間洞穴數處中有石
器買者如筥方者如筐亦有如杵如盤者同上
石器出掖縣色青白或有五色潤膩如玉且備煙雲
山水竹木人物之狀萊人取之雕琢為器山東通志

石屏



石屏

零陽產石屏出零陽白鶴山屈處靜上昇之所紹興
 壬午間有宗子邑居一日艤舟山下於水中得一石
 光采絢異其紋若峯巒聳秀渾然天成自是石工鑿
 取益衆烟雲雪月之景波瀾龍鳳之象隱然可觀大
 者方廣可四五尺雖巧畫者莫臻其妙

零陵志
合璧事類

機謹按事文類聚同

石屏出零陵白鶴山紹興間有宗子於水中得一石
 光采絢異其文若峯巒聳秀烟雲雪月之景波瀾龍

鳳之象渾然天成方廣四五尺雖巧工畫之妙莫能及也

湖廣通志

機謹按零陵縣志同


高昌正臣博古好雅偶得一石屏廣僅咫尺其文理粲然有高深幽遠之思絕頂溫厚者如山如嶽飛揚飄忽者如烟如雲橫流奔激者如江如河斷者如岸泓者若潭或如林麓之翳鬱或如禽魚之遊戲使董北海僧巨然復生其破墨用筆不過是矣因命之曰江山曉思

明林有麟素園石譜

宋學士吳冲御家有一石屏內古木參差兩鴉棲止儼然圖畫遂名鴉鳴石

同上

石帆類纂卷之三




石帆

石帆類纂卷之三

石屬

石帆

一



石帆

陳藏器云石帆高尺餘根如漆上漸軟作交羅文生
海底煮汁服主婦人血結月閉石淋日華子云石帆
平無毒紫色梗大者如筋見風漸硬色如漆多人飾
作珊瑚裝嘉祐補註本草

唐本注云又有石帆狀如柏治石淋又有水松狀如
松治溪毒宋唐慎微證類本草

石帆山若帆盛弘之荊州記云武陵舞陽縣有石帆
山若數百幅帆明鄭若庸類雋

謝靈運云破石溪南二百餘里又有石帆修廣與破石等質色亦同傳云古有人以破石之半為石帆故名彼為石帆此名破石同上

此海樹也紫黑色其根株著石其枝柯如鐵綆相勾聯高一二尺許疑以其扁蒲如帆故呼石帆今人取置花盆中以為玩

明慎懋官華夷花木鳥獸珍玩考

機謹按彙苑詳註著石作著實事言要玄集無疑字

石帆今之鐵樹也○鐵樹生海底出水即堅高尺餘


色如鐵太冲賦草則石帆水松是也七修類稿言粵

西鐵樹有忽開花者乃別一種也清方以智通雅

石帆紫黑色枝柯相動連帶不絕生海中石穴間八


通志


石帆生海中石穴紫黑色枝可相連台州府志



石栢

一名抱木
萃夷花
木考





石柏

石柏生海中一幹極細上有一葉宛是側柏扶疎無
小異根所附著如烏藥大抵皆化為石矣此與石梅
雖未詳可以入藥否然皆奇物不可不志宋范成天
桂海虞衡

壺山有栢木一株長數尺半化為石半猶是堅木蔡
君謨見而異焉因運置私第余莆陽日親見之宋彭
乘墨

客揮
屏

高州茂名縣本唐潘州也縣界有黃尖嶺父老言昔

仙人姓潘居此煉丹近十數年來工人入山鑿石乃得樹木屏於石中蓋仙所遺丹劑墮地融結者一層復殆可揭取但枝葉端正者百無一二民黃氏擅此山外有人采伐則先以塩絲與之然後入山祀土神畢徐徐施工朱子淵為桂帥致兩屏遺予老榦扶疎上挾雲氣下臨廣漠混然天成略無斧鑿一跡非若祁陽所產籍人力磨治故浪齧高下失其自然也又云海涵萬族無所不有范石湖虞衡志嘗載石栢今方得一株自海底石塊上生根株盤錯枝葉如畫其

色紫其根白其質皆石也天陰雨時必有水珠在葉上枝間亦有栢子皆石脂凝結而成子淵賦詩云海物難窮造化奇後凋惟有歲寒知誰將修月黃金斧斲就凌雲紫玉枝直榦豈容塵點浣靈根偏與石相宜天然不假栽活力肯逐春風盛與衰予和之云海底靈根石効奇山經地志不曾知凝紅幻出珠千顆染紫裝成玉一枝鶴骨龍姿隨質見鸞棲鳳宿與香宜元戎高唱真難和愧我年來筆力衰

宋洪邁夷堅志

嵐薰瘴染却膚腴笑飲貪泉獨繼吳未欲連車收薏

苾肯教沉網取珊瑚不知庾嶺三年別收得曹溪一

滴無但指庭前雙柏石要予臨老識方壺程德孺惠海中柏石

兼辱佳篇輒復和謝
○宋蘇東坡全集

海山石栢在獲鹿縣東北陰崖間脉理縱橫不假雕

鑿天然翠栢枝葉悉具里人抹之以為玩明曹學佺名勝志

抱木產水中葉細如檜其身堅類栢惟根軟不勝刀


鋸今潮州新州多剝為櫟明慎懋官華夷花木鳥獸珍玩考

明帝泰始二年五月甲寅赭圻獲石栢長三尺二寸

廣三尺五寸揚州刺史以獻太平府志

出陽江大海中宛似側栢枝葉悉備傳之要上以為

珍玩但輕脆易折高要縣志



石梅

俗名結キ狐ノ覓メ噎イ舍セ結キ
州相模

石屬 石梅

蘇東坡詩集卷五十三

石梅

石梅生海中一叢數枝橫斜瘦硬形色真枯梅也雖
巧工造作所不能及根所附著如覆菌或云本質為
海水所化如石蟹石蝦之類宋范成大桂海虞衡志
若石梅一種乃天生形質如石燕石蠟之類石本發
枝含花吐葉歷世不敗中有美者奇怪莫狀此可與
抗之天目松為匹更以福之水竹副之可充几上三
友明石杭高濂遵生八牋
閩中石梅迺天生奇質從石本發枝且自露其根膠

蘇東坡詩集

卷五十三

石屬

石梅

二

曲古拙偃仰有態含花吐葉曆世不敗蒼鱗皴封

滿花身苔鬚垂或長數寸風颺綠絲飄飄可玩烟橫

月瘦恍然夢醒羅浮明屠隆考槃餘事

石梅石柑生海中未詳可入藥明黃震黃氏日抄

宣德年間李琮巡按廣東過梅嶺得白神公洞伏劍

入見二羽士對局壁上梅花擘擘神公折梅一枝贈

琮出視之乃石也至夜神公來道宿緣從遊數十載

問壽問秩問嗣應之如響一切疑豫咸取決焉神公

好飲酒食雞圍碁但不見其形久之別去圖形示公

鬚眉皓然有仙人風骨石梅花春冬色變不常傳為

家寶山西通志


機謹按享保乙卯五月相模州城嶋上石梅一株

幹高一尺許一根數十枝宛如瘦梅范成大虞衡


志所謂石梅生海中一叢數枝橫斜瘦硬形色真

枯梅也即是也

蘇物類考卷之三



上水石



蘇物類考卷之三

石屬 上水石 一

上水石

上水石多年水沫與石液相聚而成通體玲瓏形似
有如松栢枝有如蚯蚓糞漬水于麓潤可至頂

幾輔通志

庶物類纂石屬卷之五十四目次

石花

石燕

石蟹

石花
一名石電
通八閩
志

石花

一名石電


通八閩
志

燕勿頭纂
卷五十四

石屬
石花

一

石花



石花

姚月華時以石華遺達云出丹洞玉池異於他處色如南水晶清明而瑩久服延年達以詩謝月華曰青桂仙女隔蓬萊珠樹金窓向曉開燕子羽毛非廣袖殷勤也帶石花來本傳○元伊席夫瑯嬛記○津逮秘書

石花白色圓如覆大馬杓上有百十枝每枝各樣牙分岐如鹿角上有細文起以指撩之錚錚然有聲此石花也多生海中石上世方難得家中自有一本後又於大相國宮中見一本然其體甚脆不禁觸擊本

蘇物類彙編 卷五十四

石屬 石花

條所注皆非是

宋寇宗奭本草衍義

機

謹按石花有二種一鍾乳滴于石上迸散久積成花狀者蘓恭所說是也一海中石上生者自別種也寇氏非蘓恭所注者却自誤矣

石華方言謂之石電文選曰掛席拾海月揚帆採石

華八閩通志

習安三岔河以下地勢劃然而開萬仞壁立一水駛流昔人所咏谷黯天如線崖高月不明也山絕嶺往掘地得拳石如卵去三岔三十餘里有可處砦河崖

較他處倍高亦倍險險絕處有石花四月望後始發之曰若塗朱石上斑斑然三五點為叢七八點十數點為叢經二三日漸長併數點為一片大如輪小如掌鮮明爛熳再二三日漸黃漸澹倏忽而歸烏有矣其花方圓大小無定形前後高低無定位殊不類草木之華茅每歲必一發每發必以夏歷歷不爽土人恒以其生之高低色之濃淡決旱澇豐歉如持左券亦異矣

貴州通志

層峰環邑勢嵯峨一線泥紅曳素羅水欲去時山乍

轉形如龜距鎖深波深波碧處螭潛匿出没狂瀾詎
可測不因釀禍若褒神屈伸變化誰能弋弋言加之
馮夷穴絕技竟與支離埒相傳一矢中妖螭一點精
靈久不滅金龜項下有石穴下臨碧潭深不可測相傳有螭盤踞其中土人楊姓者以漁為業駕扁舟攜毒經其處紅光閃爍毒為螭攝去楊姓甚越數日以羊縛船中放之中流架藥弩於岸伺之螭復出照紅光射之應弦而滅水湧數丈暴其尸於岸因呼楊姓為斬龍公嗣後邑有否泰巖上有花如苔衣鮮紅可愛久之褪於水說者謂螭之精爽所胎也精靈凝結巉巖上潭煙
日影朝磨盪預將否泰告邑人從前應之皆若響泰
應文明否應寇驗於石上花開後遠年不記壬戌年開王師平吳逆是

年補鄉試先祖中式丙子年開李詩人中式壬午年開余是科倖叨鄉薦大抵為餘邑兆科名鮮明
艷麗奪明霞輕風拂動胭脂縐而今世運正當陽厚
澤深仁及萬方慶雲甘露天休見嘉禾瑞草地呈祥
茲值鄉闈試士年石壁花開又復然紅光映日娟娟
媚朱衣先報錦衣賢是科黃綬毛邑登賢書然花開於七月半間予以往事徵之後
果符或云旱魃苦為災炎蒸不散孕赤苔前知禍福
憑龜兆宜吉宜凶不用猜舉人廖士奇石花紀異○餘慶縣志
崇禎十六年癸未縣城外大河對崖石上開紅花數
朶大如面盆三日後其色漸淡散落崖下視之乃苔

衣也同上

金龜鎖水○縣水口有山如龜首尾四足皆具其首
逆水而上前一石穴上峭壁數仞間生石花望之如
紅雲霞錦堆積高起以長竿拭之散落水面形如苔

衣同上

石上葵花花在石上高五分枝莖瓣葉嫵然如葵永定

衛志

正德五年金齒城西石上開花雲南通志

石燕

石燕

石燕

零陵出石燕舊傳遇雨則飛嘗見同年謝郎中鴻云
 向在鄉中山寺為學高崑石上有如燕狀者因以筆
 識之石為烈日所暴忽有驟雨過所識者往往墜地
 蓋寒熱相激而迸落非能飛也予向過永州有人贈
 一石板上亦有燕形者在焉土人呼為燕窠倦遊雜錄○宋
江少虞皇朝類苑
 永州零陵出石燕昔傳遇雨則飛頃歲余涉高岩石
 上如燕形者頗多因以筆識之石為烈日所暴偶驟

燕物類彙

卷五十四

石屬 石燕

二

雨過凡所以識者一一墜地蓋寒熱相激迭落不能
飛爾土人有石板其上磊塊如燕形者相州之北數
十里地名梨園潭河水中出石數種或如濃墨圓點
或紋如溪廣匾頭頗堅潤土人謂之薑石堪琢為器
物亦磨作鎮紙其價甚廉

宋杜綰雲
林石譜

湘中記曰零陵有石燕形似得雷風則飛頡頏如真

燕太平
御覽

機謹按似下藝文類聚有燕字

唐本注云俗云因雷雨則從石穴中出隨雨飛墮者

妄也永州祁陽縣西北百一十五里土岡上掘深丈
餘取之形似蚌音甘而小堅重如石也臣禹錫等謹
按蜀本註云爾雅云螺小者蝓音含今按陳藏器本
草云石鷲主消渴取水牛鼻和煮飲之自死者鼻不
如落崖死者良唐本先附臣禹錫等謹按蕭炳云別
有乳洞中食乳有命者亦名石燕似蝙蝠口方生氣
物也日華子云石燕涼無毒出南土穴中凝彊似石
者佳

嘉祐補
註本草

石鷲出零陵郡今永州祁陽縣江傍沙灘上有之形

似蚶而小其實石也或云生山洞中因雷雨則飛出
墮於沙上而化為石未審的否今人以催生令產婦
兩手各握一枚須臾子則下採無時本草
石驚今人用者如蜺蛤之狀色如土堅重則石也既
無羽翼焉能自石穴中飛出何故只墮沙灘上此說
近妄唐本注永州土岡上掘深丈餘取之形似蚶而
小重如石則此自是一物餘說不可取潰虛積藥中
多用宋寇宗奭
本草衍義
石燕有二一種是此乃石類也狀類燕而有文圓大


者為雄長小者為雌一種是鍾乳穴中石燕似蝙蝠
者食乳汁能飛乃禽類也見禽部禽石燕食乳食之
補助與鍾乳同功故方書助陽藥多用之俗人不知
往往用此石為助陽藥刊于方冊誤矣明李東璧
本草綱目
湘州記零陵山有石燕遇風雨則飛風雨止還化為
石也按此物大如指面形似燕今象州溪石中有之
鑿石取出磨去腹下半邊置醋碟中能兩兩相就折
開復合亦怪物哉明彭大翼
山堂肆考
石燕出永州祈陽縣江傍沙灘上形似蚶而稍長其

實石也。或云生山洞中，因雷雨則飛出，墮于沙上而化為石焉。產婦兩手各握一枚，須臾子下。明徐炬明事物原始漢匡俗字子希，少以孝弟著，委心學道，遊諸名山，至覆笥山，頂有湖，周數里，多靈草異物。有石燕，春秋時能群飛，湖旁有石井及小石笥，笥藏玉牒，記名山福地及得道人姓名。真仙通鑑○明焦弱侯焦氏類林零陵郡今永州祁陽縣有石燕，遇風雨則飛翔如真燕，風雨止則還為石。江傍沙灘上有之，形似蚶而小，其實石也。或云生山洞中，因雷雨則飛出，墮于沙上而化為

石，今人以催生，令產婦兩手各握一枚，甚效。明陳仁錫潛確

類書

地輿志：零陵山有石燕，石燕群飛，則大雨將至。同上零陵石燕相傳能飛，飛即風雨。唐詩：石燕拂雲晴亦雨，是也。然是石質，斷無能飛之理。謝鴻云：向在鄉中，山寺為學，見高巖上石有如燕狀者，因以筆記之。石為烈日所暴，忽有驟雨過，石即衝起，往往墜地，蓋寒熱相激而迸落，非真能飛也。此言足破千古之疑矣。山東有陽起石，煨為粉，着紙上，日中暴曬，便能飛起。



蓋此石為陽精相感之理固宜爾也其石入藥能壯

陽道明陳留謝肇淵五雜俎

按圖經云石鷲出零陵郡今祁陽縣沙灘亦有之形

似蚌而小其實石也觀其主治都是行下之功食療

贊其補益似未然耳明李中梓補藥性解

石燕南寧狀類燕有文大曰雄小曰雌能治眼疾明陸

應陽廣輿記

桂陽頂有石壁夏秋雨過小石墜下如燕雌雄相比

可為藥同上

石燕山祁陽其石似燕每風雨相薄則飛晴霽石如

故同上

湘州記曰零陵有石燕得風雨則飛翔如真燕風雨

止還為石淵鑑類函

名勝志雲南馬龍州出石燕有文大者為雄小者為

雌能愈眼疾清來元成博學彙書

滇補云南寧石燕每風雨日空飛又有鳴聲形酷類

燕雄圓而大雌長而小巨石之下亂石之中或斷而

得如孕卵然毛羽細者佳以斧破之堅而微有白粉

者此類甚多推擊碎時軀殼自脫中藏有肉或紅或白或光瑩如明礬如水晶色醫家自有煨煉之法同上石燕山州西九十里頂有石壁夏秋雨過小石墜如指形類燕雌雄相比可以為藥湖廣總志石燕山一名石燕岡俱西北九十里產石燕石色紺而狀似燕若雷風相薄則群飛頡頏湘州記零陵有石燕得風雷則飛如燕止還為石同上祁陽縣背祁山而面方屏石燕之岡有石倒懸色紺如燕陰雨群飛霽還為石同上

芝山西八十里山產芝草上有十數洞或有沸泉或有石燕雨則飛晴則止江寧府志

石燕洞在二十二都黃麻尖之山陽有石燕即今藥中之所用者但雷雨晦暝之日則出洞羣飛有好事者衝風冒雨以小網得之一鋸為二置醋盃中能行動者良龍泉縣志

瀟湘之野多石燕晴則為石雨則燕不暇狂飈生羽翰縣崖亂落乘飛電和雨和煙看不真寒光一片空中患羞與鳥衣逐隊飛隨風悄入梨花院趙家姊妹

何輕盈一朝老死昭陽殿何若丘壑水雪姿六翮凌風踈且健安得與石隕與石言奇蹟并紀春秋傳

彭述

詰雨中石燕歌
零陵縣志

芝山縣東六十里有三十六洞跨溧陽溧水之境故二縣亦載金陵志云高三十九丈週迴四十里有季子洞泉出沸湧洞去三百步為燕洞有石燕遇雨則飛晴則仍落為石謂田穎之亂邑人避兵於此廣可容數千人建康志云山曾產芝草上有數十洞梅山洞者漢梅福常居其中

高淳縣志


石燕井在寧國寺前泉下有石多竅遇陰雨則石飛出類燕形可和藥故名久塞

朝城縣志


銅官石燕在銅官山世傳吳王淩煉銅之地下有兩坎號銅井一洞一有水昔人引藤蔓為綆測之莫窮其深水色因時而變井傍有石燕洞燕之隱見以春秋分與巢燕同

武康縣志

麻生類纂卷之五十一



石蟹



麻生類纂卷之五十一

石屬

石蟹

一

本草綱目卷之五十四

石蟹

石蟹生海南形真是蟹云是海味所化理不可詰又

有石蝦亦其類

宋范成大桂海虞衡志

王治知南恩州其子蓋臣云海邊有石山皆每蟹過

之則化為石蛇亦然

宋剡川姚寬西溪叢語

石蟹是尋常蠃爾年月深久水沫相著因化成石每遇海潮即飄出又一般入洞穴年深者亦然皆細研水飛過入諸藥相佐用之點自良今附臣禹錫等謹按日華子云石蟹涼解一切藥毒并蠱毒催生落胎

療血暈消癰治天行熱疾並熟水磨服也又云浮石平無毒止渴治淋殺野獸毒

嘉祐補注本草

石蟹出南海今嶺南近海州郡皆有之體質石也而都與蟹相似或云是海蟹多年水沫相著化而為石每海潮風飄出為入所得又一種入洞穴年深者亦然醋磨傳癰腫亦解金石毒採無時

本草圖經

石蟹直是今之生蟹更無異處但有泥與麤石相著凡用須去其泥并麤石止用蟹磨合他藥點目中須水飛又云浮石水飛治目中醫今皮作家用之磨皮

上垢無出此石石蟹條中云浮石平無毒止渴治淋

殺野獸毒合於此條收入

宋寇宗奭本草衍義

按顧玠海槎錄云崖州榆林港內半里許土極細膩最寒但蟹入則不能運動片時成石矣人獲之名石蟹置之几案云能明目也復有石似鰕出海邊石魚似魚出湘山縣石魚鰕並不入藥用一統志言鳳翔汧陽縣西有山魚隴掘地破石得之云可辟蠹

明李東璧

本草綱目

熊山野好訪異物有石龜石桃石棗之類嘗夢人自

云姓石相依附後得一石人長尺餘眉目皆具今世
有石燕石蟹之類又松亦化為石隴州有魚石子置
書籍中能辟蠹秘閣
問話
予嘗見某侯家傳美石一方中有緋袍玉帶人端拱
而坐又見觀音寺衙衙寺僧收謝廷循一石方廣二
三寸中劈為二內函魚骨首尾皆全予先君葬祖考
時啓祖妣攢合葬發砌石一紫色者剖為二其中樹
石茂密一冠帶人立樹下若凝眸遠望如筆墨描畫
先君謹藏欲解為畫屏後因被災而毀家藏石蟹一

枚具體如生以水磨之腥氣如蟹病目者稍塗兩背
頗能定痛大氣流行融結變化真有不可強論者海
鹽

張寧方
洲雜錄

石蟹生于崖之榆林港港內半里許土極細膩最寒
但蟹入則不能運動片時成石矣人獲之則曰石蟹
相傳置之几案能明目吳郡顧嶠
海槎餘錄
石蟹石蝦云海沫所化明黃震黃
氏日抄
石蟹出嶺南近海州郡體質石也而形與蟹相似明
徐

炬明事
物原始

本草綱目卷之五十四

石蟹出陽江大海砂礫中治瘍腫効肇慶府志

石蟹出崖州生海底能走動見則化為石性涼塗消

腫毒瓊州府志

